

摘藻堂四庫全書薈要

集部

欽定四庫全書薈要

集部

御選歷代詩餘卷四十六

七

詳校官編修臣汪鏞

欽定四庫全書舊要

御選歷代詩餘卷四十六目錄

江城子 又一體

蘇軾 十一首

黃庭堅

秦觀 三首

晁補之 三首

李之儀 三首



賀鑄

葛勝仲

二首

周紫芝

二首

謝逸

二首

葛郊

二首

呂渭老

二首

王安中

葉夢得

五首

趙長卿 三首

張元幹

康與之

辛棄疾 八首

曹冠

呂勝已 二首

張鎰

劉儼

劉光祖

黃銖

毛玘

二首

盧祖皋

韓淲

二首

汪莘

方岳

二首

吳文英

六首

陳允平

周密
二首

張炎
二首

石孝友
二首

林正大

曹良史

譚宣子

朱淑真

蔡松年

蔡珪

段克己

段成己

元好問

三首

趙孟頫

張埜

倪瓚

二首

劉基
二首

高啓

施紹莘

沈泓

沈縻
二首

御選歷代詩餘卷四十六目錄

欽定四庫全書蒼要卷二萬七百二十四集部

御選歷代詩餘卷四十六

七十字

江城子

又一體雙
調七十字

江城子

蘇軾

夢中了了醉中醒只淵明是前生走徧人間依舊却躬
耕昨夜東坡春雨足烏鵲喜報新晴雪堂西畔暗泉
鳴北山傾小溪橫南望亭丘孤秀聳層城都是斜川當

日境吾老矣寄餘齡

前調

蘇軾

翠蛾羞黛怯人看掩霜紈淚偷彈且盡一尊收淚唱陽
關漫道帝城天樣遠天易見見伊難畫堂新構近孤
山曲闌干為誰安飛絮落花春色屬明年欲棹小舟尋
舊事無處問水連天

前調

蘇軾

鳳凰山下雨初晴水風清晚霞明一朶芙蓉開過尚盈

盈何處飛來雙白鷺如有意慕娉婷
忽聞江上弄哀
箏苦含情遣誰聽煙歛雲收依約是湘靈欲待曲終尋
問取人不見數峯青

前調

蘇軾

天涯流落思無窮既相逢却匆匆攜手佳人和淚折殘
紅為問東風餘幾許春縱在與誰同
隋堤三月水溶溶
背歸鴻去吳中回望彭城清泗與淮通寄我相思千
點淚流不到楚江東

前調

蘇軾

相逢不覺又初寒對尊前惜流年風緊離亭冰結淚珠
圓雪意留君君且住從此去少清歡轉頭山下轉頭
看路漫漫玉花翻銀海光寬何處是超然知道故人相
念否攜翠袖倚朱闌

前調

獵

蘇軾

老夫聊發少年狂左牽黃右擎蒼錦帽貂裘千騎卷平
岡為報傾城隨太守親射虎看孫郎酒酣胸膽尚開

張鬢微霜又何妨持節雲中何日遣馮唐會挽雕弓如
滿月西北望射天狼

前調

大雪懷
朱康叔

蘇軾

黃昏猶是雨纖纖曉開簾欲平檐江闊天低無處認青
帘孤坐凍吟誰伴我揩病目撚衰髯使君留客醉懽
懽水晶鹽為誰甜手把梅花東望憶陶潛雪似故人人
似雪雖可愛有人嫌

前調

陳直
方妾

蘇軾

玉人家在鳳凰山水雲間掩門閉門外行人立馬看弓
彎十里春風誰指似斜日映繡簾斑多情好事與君
還憫新鰥拭餘潛明月空江香霧著雲鬟陌上花開看
盡也聞舊曲破朱顏

前調

蘇軾

銀濤無際卷蓬瀛落霞明暮雲平曾見青鸞紫鳳下層
城二十五絃彈不盡空感慨惜離情蒼梧煙水斷歸
程卷霓旌為誰迎空有千行流淚寄幽貞舞罷魚龍雲

海晚千古恨入江聲

前調

蘇軾

前瞻馬耳九仙山碧連天晚雲間城上高樓真箇是超
然莫使匆匆雲雨散今夜裏月嬋娟小溪鷗鷺靜聯
拳去翩翩點輕煙人事淒涼回首使他年莫忘使君歌
笑處垂柳下矮槐前

前調

蘇軾

墨雲拖雨過西樓水東流晚煙收柳外殘陽回照動簾

鈎今夜巫山真箇好花未落酒新筩美人微笑轉星
眸月華羞捧金甌歌扇縈風吹散一春愁試問江南諸
伴侶誰似我醉揚州

前調

憶別

黃庭堅

畫堂高會酒闌珊倚闌干霎時間千里關山常恨見伊
難及至而今相見了依舊是隔關山倩人傳語問平
安省愁煩淚休彈哭損眼兒不似舊時單尋得石榴雙
葉子憑寄與插雲鬟

前調

秦觀

西城楊柳弄春柔，動離憂。淚難收。
猶記多情曾為繫歸舟。
碧野朱橋當日事，人不見，水空流。
韶華不為少年留，恨悠悠。
幾時休。飛絮落花時候，一登樓。
便做春江都，是淚流不盡許多愁。

前調

秦觀

南來飛燕北歸鴻，偶相逢。
慘愁容。綠鬢朱顏，重見兩衰翁。
別後悠悠君莫問，無限事，不言中。
小槽春酒滴珠

紅莫匆匆滿金鍾飲散落花流水各西東後會不知何處是煙浪遠暮雲重

前調

秦觀

東花金釧約柔荑昔曾攜手難期咫尺玉顏和淚鎖金閨恰似小園桃與李雖同處不同枝玉笙初度顫鸞篴落花飛為誰吹月冷風高此恨只天知任是行人無定處重相見是何時

前調

毫社
觀梅

晁補之

去年初見早梅芳一春忙短紅牆馬上不禁花惱只顚
狂蘇晉長齋猶好事時喚我舉離觴今年春事更茫
茫淺宮妝斷人腸一點多情天賜骨中香頓有飛鳬賢
令尹同我過小橫塘

前調

廣陵送
王左丞

晁補之

舊山鉛槧倦棲遲叩宸闈向淮圻五馬行春初喜後車
隨太守風流客客醉花墮帽酒淋衣隋宮煙外草萋
萋菊花時動旌旂起舞留公且住慰相思王粲詩成何

處寄人北去鴈南飛

前調

贈娉娉

晁補之

娉娉聞道似輕盈
好佳名也堪稱
楚觀雲歸重見小樊
驚豆蔻梢頭春尚淺
嬌未顧已傾城
章臺休咏舊青
青惹離情恨難平
無事飛花撩亂撲旗亭
不似劉郎春
草小能步步伴人行

前調

李之儀

惱人天氣雪消時
落梅飛日初遲
小閣幽牕時節聽黃

鸚鵡新洗頭來嬌困甚才試著夾羅衣
棠梨花拂淡靨
脂翠雲顰歛雙眉月淺星深天淡玉繩低不道有人腸
斷也渾不語醉如癡

前調

李之儀

今宵莫惜醉顏紅十分中且從容須信歡情回首似旋
風流落天涯頭白也難得是再相逢
十年南北感征鴻恨應同苦重重休把愁懷容易倒書空只有琴尊堪
寄老除此外盡蒿蓬

前調

李之儀

闌干拍遍等新紅酒頻中恨匆匆投得花開還報夜來
風惆悵春光留不住又何似莫相逢月牕何處想歸
鴻與誰同意千重婉思柔情一旦總成空彷彿么絃猶
在耳應為我首如蓬

前調

賀鑄

麝熏微度繡芙蓉翠衾重畫堂空前夜偷期相見却匆
匆心事兩知何處問依舊是夢中逢坐疑行聽竹牕

風出檐櫳杳無蹤已過黃昏才動寺樓鐘暮雨不來春
又去花滿地月朦朧

前調

葛勝仲

昏昏雪意慘雲容獵獵霜風歲將窮流落天涯憔悴一山
翁清夜小窓圍獸火傾酒綠借顏紅官梅疎豔小壺
中暗香濃玉玲瓏對酒忽驚身在大江東上國故人誰
念我晴嶂遠暮雲重

前調

呈劉
無言

葛勝仲

浮家重過水晶宮五年中事何窮無恙山溪鬟影落青
銅欲向舊遊尋舊事雲散彩水流東苔花向我似情
鍾舞霜風雪濛濛應怪使君顏鬢便成翁賴是尋芳無
素約端不恨綠陰重

前調

周紫芝

夕陽低畫柳如煙淡平川斷腸天今夜十分霜月更娟
娟怎得人如天上月雖暫缺有時圓斷雲飛雨又經
年思淒然淚涓涓且做如今要見也無緣因甚江頭來

去鴈飛不到小樓邊

前調

周紫芝

碧梧和露滴清秋小庭幽翠煙流羞帶一襟明月上危樓
苦恨秋江風與月偏管斷這些愁此情空道兩綢繆
信悠悠幾時休到得如今剗地見無由擬待不能思
想得無限事在心頭

前調

謝逸

一江秋水碧灣灣繞青山玉連環簾幙低垂人在畫圖

間閒抱琵琶尋舊曲彈未了意闌珊
飛鴻數點拂雲端倚闌看楚天寒擬倩東風吹夢到長安恰似梨花春
帶雨愁滿眼淚闌干

前調

謝逸

杏花村館酒旗風水溶溶颺殘紅野渡舟橫楊柳綠陰
濃望斷江南山色遠人不見草連空
夕陽樓外晚煙籠粉香融淡眉峰記得年時相見畫屏中只有關山今
夜月千里外素光同

前調

葛 郊

亭亭鶴羽戲芝田看羣仙起清漣綠蓋紅幢千乘去朝
天留得瑤姬清夜舞人與月鬪嬋娟憑闌有恨不堪
言倩誰傳曲聲圓寫盡清愁香弄晚風妍不羨山頭窺
玉井花十丈藕如船

前調

用前
韻

葛 郊

粼粼白水護青田想真仙弄清連十里香風吹下碧雲
天月在草堂人未寢松竹暗水娟娟夜闌何事悄無

言怨空傳事難圓欲借寒光誰與伴清妍待得凌波人
肯住呼玉笛勸金船

前調

呂渭老

曉參垂戶宿醒醒坐南亭對疎星點點螢光偏向竹梢
明望斷長空何處是雲葉亂彩霞橫西樓依舊抱重
城小銀屏此時情鴉陣翻叢枯柳兩三聲敲枕欲尋初
夜夢鷄唱遠曉蟾傾

前調

呂渭老

聞君見影已堪憐
短因緣偶同筵
相見無言分散倍
依然
做夢楊花隨去也
妝閣畔繡牀前
覺來離緒意
縣寫蠻牋倩誰傳
魚雁悠悠門外水
如天
欲上西樓還
不忍難著眼望秋千

前調

王安中

荷花遮水水漫溪
柳低垂亂蟬嘶
捨轡何妨臨水照
征衣
一扇香風搖不盡
人念遠意淒迷
騎鯨仙子已相
知
數歸期賦新詩
更想翟公門外
雀羅稀
陶令此襟塵

幾許聊欲向北牕披

前調

葉夢得

碧潭浮影蘸紅旂日初遲漾清漪我欲尋芳先遣報春
知盡放百花連夜發休更待曉風吹滿攜尊酒弄繁
枝與佳期伴羣嬉猶有邦人爭唱醉翁詞應笑今年狂
太守能痛飲似當時

前調

大雪與客
登極目亭

葉夢得

蹁躑飛舞半空來曉風催巧縈迴野曠天遙回望興悠

哉欲問玉京知遠近試攜手上高臺
雲濤無際卷崔嵬
歛浮埃照瓊瑰點綴林花真箇是多才
說與化工留妙手休盡放一時開

前調

葉夢得

芙蓉開過雨初晴曲池平畫橋橫
耿耿銀河遙下蘸空明
一舸吳淞歸未得聊共住小蓬瀛
問君何事引前旌
趣歸程背高城魚鳥三年誰道總無情
試遣他年歌此曲應尚記別時聲

前調

登小吳
臺小飲

葉夢得

生涯何有但青山小溪灣轉潺湲投老歸來終寄此山
間茆舍半敲風雨橫荒徑晚亂榛菅強扶衰病上巉
巖水雲間伴躋攀湖海蒼茫千里在吳關漫有一杯聊
自醉休更問鬢毛斑

前調

上元

葉夢得

甘泉祠殿漢離宮五雲中渺難窮永漏通宵壺矢轉金
銅曾從鈞天知帝所孤鶴老寄遼東強扶衰病步龍

鍾雪花濛打牕風一點青燈惆悵伴南宮唯有使君同
此恨丹鳳口水雲重

前調

趙長卿

小溪清淺照孤芳蕊珠娘暗傳香春染粉容清麗傳宮
妝金縷翠蟬曾記得花密密過雕牆而今冷落水雲
鄉念平康轉情傷夢斷巫雲空恨楚襄王冰雪肌膚消
瘦損愁滿地對斜陽

前調

梅

趙長卿

年年長見傲寒林。壓羣英。有餘清。曾被芳心，紅日惱詩情。
玉質暗香無限意，偏婉婉，儘輕盈。今年瀟灑照岐亭。
更芳馨也。崢嶸無奈多情，終是惜飄零。誰與東君收拾取，
恰風雨，挫瑤瓊。

前調

夜涼對景

趙長卿

綵雲飛盡楚天空。碧溶溶。一簾風吹起，荷花香霧噴人。
濃明月，淒涼多少，恨恨難許。我情鍾。相思魂夢幾時。
窮洞房中憶從容。須信別來應也，斂眉峰。好景良宵添

悵望無計與一尊同

前調

張元幹

夢中北去又南來飽風埃鬢華衰浮水飛蓬蹤跡為誰
催自笑自悲還自語一杯酒鼻如雷曉興行處覺春
回肩瓊瑰糝莓苔病眼衝寒欲閉又還開水近人家籬
落畔遙認得一枝梅

前調

康與之

南溪二月雨初晴四郊明暖風輕一雨一風鋪地落紅

英枝上流鶯啼勸我春欲去且留春
登臨行樂慰閒情
過長亭暮潮平
四面青蕪中是越王城
信馬行吟歸路晚
山簇簇柳陰陰

前調

辛棄疾

賸雲殘日弄陰晴
晚山明小溪橫
枝上絲蠻休作斷腸聲
但是青山山下路
青到處總堪行
當年綵筆賦蕪城
憶平生若為情
試把靈槎歸路問
君平花底夜深寒
較甚須撿却玉山傾

前調

用前韻

辛棄疾

梨花着雨晚來晴
月朧明淚縱橫
繡閣香濃深鎖鳳簫聲
未必人知春意思
還獨自遶花行
酒兵昨夜壓愁城
太狂生轉關情
寫盡胸中磊砢
未全平
却與平章珠玉價
看醉裏錦囊傾

前調

辛棄疾

玉簫聲遠憶驂鸞
幾悲歡帶羅寬
且對花前痛飲莫留殘
歸去小牕明月在
雲一縷玉千竿
吳霜應點鬢雲

班綺牀閒夢連環說與東風歸興有無間芳草姑蘇臺
下路和淚看小屏山

前調

辛棄疾

梅梅柳柳鬪纖穠亂山中為誰容試著春衫依舊怯東
風何處踏青人未去呼女伴認驕驄兒家門戶幾重
重記相逢畫樓東明日重來風雨暗殘紅可惜行雲春
不管裙帶褪鬢雲鬆

前調

博山道中
書王氏壁

辛棄疾

一川松竹任橫斜有人家被雲遮雪後疎梅時見兩三
花比著桃源溪上路風景好不爭些旗亭有酒徑須
賒晚寒咱怎禁他醉裏匆匆歸騎自隨車白髮蒼頭吾
老矣只此地是生涯

前調

聞蟬蛙
戲作

辛棄疾

簾鋪湘竹帳籠紗醉眠些夢天涯一枕驚回水底沸鳴
蛙借問喧天成鼓吹良自苦為官耶心空喧靜不爭
多病維摩意云何埽地焚香且看散天花斜日綠陰枝

上噪還又問是蟬麼

前調

送元濟之
歸豫章

辛棄疾

亂雲擾擾水潺潺笑溪山幾時閒更覺桃源人去隔仙
凡萬壑千巖樓外雪瓊作樹玉為闌倦游回首且加
餐短篷寒畫圖間見說嬌顰擁髻待君看二月東湖湖
上路官柳嫩野梅殘

前調

賦梅寄
余叔良

辛棄疾

暗香橫路雪垂垂晚風吹曉風吹花意爭春先出歲寒

枝畢竟一年春事了緣太早却成遲
未應全是雪霜
姿欲開時未開時粉面朱脣一半點胭脂醉裏謗花花
莫恨渾冷淡有誰知

前調

曹冠

雨餘乾鵲報新晴曉風清聽鶯聲飛盡南園遊賞賦閒
情麥隴黃雲堆萬頃收刈處有人耕
淙琤漱玉澗泉
鳴翠峰橫碧雲凝罨畫園林縑素寫難成盧橘楊梅時
正熟隨處賞飲班荆

前調

孟梅

呂勝已

年年臘後見冰姑。玉肌膚。點瓊酥。不老花容。經歲轉敷。
腴。向背稀稠。如畫裏。明月下。影疎疎。江南有客。問征
途。寄音書。定來無。且傍盆池。巧石倚浮圖。靜對北山林。
處士裝點就。小西湖。

前調

呂勝已

一鉤新月下庭西。繡簾低。漏聲遲。小宴幽歡。依約似當
時。嬌盼注人都不語。眉黛蹙。鬢雲攲。綠槐陰下。玉驄

嘶苦相催醉中歸可惜明朝秋色滿東籬祇恐又成輕
別也情脈脈恨悽悽

前調

夏夜
觀月

張 鉉

飛來冰雪冷無聲可中亭骨毛清卧看東南和露兩三
星薦地神遊天上去呼彩鳳駕雲輶望舒宮殿玉崢
嶸桂千層寶香凝搥藥仙童邀我論長生一笑歸來人
未睡花影送上牕櫺

前調

劉 儼

東風吹夢落巫山
整雲鬟却霜紈
雪貌冰膚曾共控雙
鸞吹罷玉簫香霧濕殘月墮亂峰寒
解璫回首憶前
歡見無緣恨無端
憔悴蕭郎贏得帶圍寬
紅葉不傳天
上信空流水到人間

前調

劉光祖

十分雪意却成霜
暮雲黃月微茫
只有梅花依舊吐幽
芳還喜無邊春信漏疎影下覓浮香
才清端是紫薇
郎別鵷行憶宮牆
夜半胡為人與月交相
君合召歸吾

老矣月隨去照西廊

前調

晚泊
分水

黃 銖

秋風嫋嫋夕陽紅晚煙濃暮雲重萬疊青山山外叫歸
鴻獨上高樓三百尺憑玉楸睇層空 人間日日去匆
匆碧梧桐又西風北去南來消盡幾英雄擲下玉尊天
外去多少事不言中

前調

燈夕

毛 幵

神仙樓觀梵王宮月當中望難窮坐聽三通譙鼓報銅

龍還憶當年京輦舊車馬會五門東
華堂歌舞間星
鐘夕香濛度花風翠袖傳杯爭勸紫髯翁歸去不堪春
夢斷煙雨曉亂山重

前調

毛幵

倚牆高樹落驚禽小牕深夜沈沈酒醒燈昏人靜更愁
霖惆悵行雲留不住攜手處却分襟
悠悠風月兩關心擁孤衾恨難禁何況一春憔悴到如今最苦清宵無
寐極想夢見也難尋

前調

盧祖皋

畫樓簾幙捲新晴掩銀屏曉寒輕
陸粉飄香日日喚愁生
暗數十年湖上路能幾度著娉娉
年華空自感飄零
擁春醒對誰醒天闊雲閒無處覓
簫聲載酒買花年少事
渾不似舊心情

前調

韓 漉

天孫應為織雲裳試宮妝問劉郎
湖上波寒依舊遠山蒼
自是老來心事嬾空落拓少年場
揮毫閒與試端

相記嚴楊陋蘇張興到一杯微醉亦成章回首片帆西
去也何日更共清狂

前調

韓 澆

雪消霜入小溪舟試浮游上山頭薄薄寒煙依舊未全
收問到梅花開也未吟不盡一春愁襟懷如此老還
休嬾凝眸轉深幽詩罷一眉新月又如鉤臘後春前村
意遠回棹穩水西流

前調

汪 莘

鷓鴣聲裏別江東。綠陰中。夕陽紅。一點離愁，相對景重。
重目斷大羅天上，客朝玉帝，把芙蓉。紫陽山下偶相逢。
醉金鍾。跨蒼龍。歸去故山，猶帶白雲，封洞口。桃花如
恨我，飄滿地，任春風。

前調

方岳

牕綃深隱，護芳塵。翠眉顰。越精神。幾雨幾晴，做得這些
春。切莫近前，輕著語，題品錯。怕渠嗔。碧壺誰貯玉粼粼。
粼粼醉香茵。晚風頻吹得，酒痕如洗。一翻新。只恨謫仙，渾

嬾却辜負那倚闌人

前調

發金陵

方岳

梅花吹夢過溪橋路迢迢雪初消似憇天寒詩瘦想無
聊聽得草堂人有語能幾日是生朝亂雲深處洗山
瓢鬢蕭蕭酒紅潮回首六朝南北黯魂消縱使鍾山青
眼在不似我侶漁樵

前調

吳文英

翠紗籠袖映紅霏冷香飛洗凝脂睡足嬌多還是夜深

宜翻怕迴廊花有影移燭暗放簾垂
尊前不按駐雲詞料花枝妬娥眉
丁囑東風莫送片紅飛春重錦堂人
盡醉和曉月帶花歸

前調

送桂花吳憲
時將赴閩

吳文英

天街如水翠塵空建章宮月明中人未歸來
玉樹起秋風寶粟萬釘花露重催賜帶過垂虹
夜涼沈水繡簾櫳酒香濃霧濛濛釵列吳娃腰
裊帶金蟲三十六宮蟾觀冷留不住佩丁東

前調

荷塘小
隱賞桂

吳文英

西風來晚桂開遲月宮移到東籬
簌簌驚塵吹下半冰
規擬喚阿嬌來小隱金屋底亂香飛
重陽還是隔年
期蝶相思客情知吳水吳煙愁裏
更多詩一夜看承應
未別秋好處雁來時

前調

送翁五峰自
雷江還都

吳文英

西風一葉送行舟淺遲留
樣汀洲新浴紅衣綠水帶香
流應是離宮城外晚人竚立小簾鉤
新歸重省別來

愁黛睂頭半痕秋天上人間斜月繡鍼樓湘浪莫迷花
蝶夢江上約負輕鷗

前調

洛北碧
洛小菴

吳文英

長安門外小林丘碧湖秋浴輕鷗不放啼紅流水透宮
溝時有晴空雲過影華鏡裏翳魚遊綺羅塵滿九街
頭晚香樓夕陽收波面琴高仙子駕黃虬清磬數聲人
定了池上月照虛舟

前調

春雨上
麓翁

吳文英

一聲玉磬下星壇步虛闌露華寒平曉阿香油壁碾青
鸞應是老鱗眠不得雲砲落海潮翻身閒猶耿寸心
丹炷爐煙暗祈年隨處蛙聲鼓吹稻花田秋水一池蓮
葉晚吟喜雨拍闌干

前調

陳允平

東風吹恨上眉彎燕初還杏花殘簾裏春風簾外雨聲
寒拾翠芳期辜負却空脈脈倚闌干流蘇香重玉連
環繞屏山寶箏閑淚薄鮫綃零露濕紅蘭瘦却舞腰渾

可事銀蹀躞半闌珊

前調

周密

玉肌多病怯殘春瘦稜稜睡騰騰清楚衣裳不受一塵
侵香冷翠屏春意靜明月淡曉風清樓中燕子夢中
雲似多情似無情酒醒歌闌誰為喚真真盡日瑣牕人
不到鶯意嬾蝶情深

前調

周密

羅牕曉色透花明把瑤笙理瑤箏幾信東風能有幾分

春二十四闌凭玉暖楊柳日海棠陰
依依愁翠沁雙顰愛鶯聲怕鶻聲人
自多情春去自無情把酒問花花
不語花外夢夢中雲

前調

張炎

奇峰相對接珠庭乍微晴又微陰
舍北江東如蓋自亭亭翻笑天台
連雁蕩隔一片不逢君此中幽趣
許誰鄰境雙清人獨清采藥難尋
童子語山深絕似醉翁遊樂意林
壑靜聽泉聲

前調

題橫
空樓

張炎

下臨無地手捫天上雲煙俯山川棲止危巢不隔道林
禪坐處清高風雨隔全萬境一壺懸 我來直欲挾飛
仙海為田是何年如此江山嘯咏白鷗前老樹無根雲
惜懂憑寄語米家船

前調

石孝友

青青楊柳水邊橋水迢迢柳搖搖緩引離觴頻駐木蘭
橈我是行人君是客俱有恨總無聊 水漸波浪煥瓊

瑤舞晴飈拂春潮一片別魂銷盡遣誰招不似嚴陽山
上雪魂易盡雪難銷

前調

石孝友

相逢執手野踟躕立斯須話區區借問來時曾見那人
無忍淚啼痕香不減雖少別忍輕辜霜風搖落歲將
徂景彫疎恨縈紆過盡行雲我在與誰居一掬歸心飛
不去層浪疊片蟾孤

前調

題杜子美
浣花醉圖

林正大

拾遺流落錦官城故人情眼為青時向百花潭水濯冠
纓韋曲杜陵行樂地塵土暗歎漂零園翁溪友總比
鄰酒盈尊肯相親落日蹇驢扶醉兩眉顰磊落平生忠
義膽詩與酒醉還醒

前調

曹良史

夜香燒了夜寒生掩銀屏理銀箏一曲春風都是斷腸
聲杜宇欲啼楊柳外愁似海思如雲背燈暗卸乳鵝
裙酒初醒夢初醒蘭炷香篝誰為暖羅衾二十四簾人

悄悄花影碎月痕深

前調

詠柳

譚宣子

嫩黃初染綠初描倚春嬌索春饒燕外鶯邊想見萬絲
搖便作無情終軟美天賦與眼眉腰短長亭外短長
橋駐金鑣繫蘭橈可愛風流年紀可憐宵辦得重來攀
折後煙雨暗不辭遙

前調

宋媛

朱淑真

斜風細雨作春寒對尊前憶前歡曾把梨花寂寞淚闌

干芳草斷煙南浦路和別淚看青山
昨宵結得夢因緣水雲間
悄無言爭奈醒來愁恨又依然
展轉衾裯空懊惱天易見見伊難

前調

蔡松年

半年無夢到春溫可憐人幾黃昏
想見玉徽風度更清
新翠射娉婷雲八尺誰為寫五湖真
好風歸路軟紅塵暖冰魂縷金裙
喚起一天星月入金尊
留取木樨花上露揮醉墨灑行雲

前調

王溫季自
北都歸

蔡珪

鵲聲迎客到庭除，問誰歟。故人車千里，歸來塵色半征裾。
珍重主人留客意，奴白飯，馬青芻。東城入眼杏千株。
雪模糊。俯平湖，與子花間隨分倒金壺。歸報東垣詩社友，
曾念我，醉狂無。

前調

牡丹

段克己

百花飛盡彩雲空，牡丹叢始潛紅。培養經年造化奪天功。
脈脈向人嬌不語，晨露重，洗芳容。却疑身在列仙

宮翠帷重瑞光融
燦燦紅燈間錯綠
蟠龍醉裏天香吹
欲盡應有恨夜來風

前調

東園
牡丹

段成已

水南名品幾時栽
映池臺待誰開
應為詩人着意巧
安排調護正須宮
樣錦遮麗日障輕
埃曉風吹綻瑞雲
堆怨春回要詩催
醉墨淋漓隨手灑
瓊瑰歸去不妨簪
一朶人也道看花
來

前調

賦芍藥
揚州紅

元好問

司花着意壓春魁綠雲堆擁香來冉冉紅鸞十步一徘徊
花到揚州佳麗種金作屋玉為階門前腰鼓揭春雷
倚妝臺儘人催鶯語丁寧空繞百千回不道惜花人
欲去看直待幾時開

前調

內鄉縣
解茶蘼

元好問

纖條裊雪雪龍葱翠陰重暖香融想是東皇滿意與薰
醲百畹種蘭千畝蕙都辦作一簾風花間人似玉芙蓉
月明中下瑤宮只恐行雲歸去捲花空剩著瓊杯斟

曉露留少住莫匆匆

前調

元好問

旗亭誰唱渭城詩酒盈卮兩相思萬古垂楊都是折殘
枝舊見青山青似染綠底事淡無姿情緣不到木腸
兒鬢成絲更須辭只恨芙蓉秋露冷胭脂為問世間離
別淚何日是滴休時

前調 水仙

趙孟頫

柔肌綽約態天然淡無言帶蹁躑遮莫人間凡卉避清

妍承露玉杯餐沆瀣真合喚水中仙
幽香冉冉暮江邊
珮空捐恨誰傳遙夜清霜翠袖怯春寒
羅幃凌波歸去晚風嫋嫋月娟娟

前調

梅花

張堃

雪梅幽徑月迷津水南村竹間門惟有天寒翠袖伴朝
昏仙圃移根來萬里空怨煞楚江雲
玉堂深處護仙真
怕京塵染芳魂一種清香占斷百花春
只恐東君偏愛惜桃與李却生嗔

前調

倪瓚

牕前翠影濕芭蕉雨瀟瀟思無聊夢入故園山水碧迢迢
依舊當年行樂地香徑香綠苔饒沉香火底坐吹簫憶妖
嬈想風標同步芙蓉花畔赤闌橋漁唱一聲驚夢覺無覓處
不堪招

前調

倪瓚

滿城風雨近重陽濕秋光暗橫塘蕭瑟汀蒲岸柳送淒涼
親舊登高前日夢松菊徑也應荒堪將何物比愁

長綠泱泱繞秋江流到天涯盤屈九回腸煙外青蘋飛
白鳥歸路阻思微茫

前調

劉基

春晴楊柳鬱金絲有黃鸝在高枝正是佳人無語倚闌
時不理雲鬟尋斷夢消瘦損雪膚肌 海棠飄玉燕交
飛草芳菲水淪漪怕見輕蜂小尾撲香歸滿鏡容顏憑
酒染還慘淡對斜暉

前調

劉基

西風吹樹簾涼初露如珠月如梳鴻鴈無情不帶半行
書漫倚闌干成小立人老矣倩誰扶中庭梧葉待霜
疎有栖烏夜相呼門外一池寒水落芙蓉為問閒愁還
幾許多似草不勝鋤

前調

舟婦

高 啓

芙蓉裙衩最宜秋柳邊頭自撐舟一道眼波斜共晚波
流驀地逢人回首笑不識恨却知羞夕陽猶在水西
樓漫歸休款相留教唱灣灣月子照湖州不怕鴛鴦驚

起了怕江上有人愁

前調

漁父

施紹莘

白蘋水蘸蓼花風暮煙中一漁翁一領青蓑襯一樹丹
楓收網棹歌歸去晚風恰順好揚篷不將魚送費迎
逢饌親供儘從容稚子山妻醉面各微紅明日生涯渾
未定看風色任西東

前調

村居

沈泓

長堤細柳隱虹橋弄蕭蕭伴漁樵醉倚楓林仰面挂詩

瓢釋卷正逢秋水漲臨古渡放輕舸
夕陽西下暗牕
綃鴈聲高笛聲遙碧簟涼生細雨燕歸巢隔岸篝燈人
就泊沽濁酒短扉敲

前調

沈麝

浮萍滌曲小橋邊似荷錢似花鈿秋艇宜人一路棹添
煙三徑高情來訪菊無事爾此身前
新生野水碧涓涓躍魚淵釣絲牽疎柳依依坡岸弄輕妍日落殘霞分
夜影鐘斷處墻鈴傳

前調

沈麋

青山千疊繞城西夕雲低暮霞齊幾抹寒煙烏鵲向林
栖沽得市醪漁艇集鮮鯽美細烹肥持杯招月玉浮
谿望中迷意中題弔賞前賢東野性孤奇遊徧江南山
水地晝畫好夢魂攜

御選歷代詩餘卷四十六

欽定四庫全書薈要

御選歷代詩餘卷四十七目錄

起七十一字
至七十四字

千秋歲

蘇軾

黃庭堅

秦觀

晁補之

李之儀

孔平仲

周紫芝

三首

謝逸

葉夢得

辛棄疾

黃公度

趙彥端

石孝友

趙聞禮

顧孔昭

卓牌子近

又一體

素去華

粉蝶兒

蔣捷

惜奴嬌

晁補之

西施

柳永

千秋歲

又一體

歐陽修

李之儀

四首

呂渭老

葉夢得

張元幹

粉蝶兒 又一體

毛滂

辛棄疾

曹冠

離亭燕

張昇

晁補之

胡偕行

于飛樂

晏幾道

史達祖

月上海棠

又一體

党懷英

段克己

二首

風入松

吳洪

陸楫

高濂

憶帝京

黃庭堅

撼庭竹

王詵

兩同心

又一體

杜安世

小鎮西犯

柳永

惜奴嬌

又一體

史達祖

隔浦蓮

周邦彥

曾覲

楊元咎

陸游二首

高觀國

史達祖二首

方千里

吳文英

陳允平

趙聞禮

劉基

荔支香近

周邦彥

楊澤民

方千里

陳允平

風入松

又一體

康與之

吳子孝

張璠

沈宜修

郭郎兒

柳永

師師令

張先

隔簾聽

柳永

河滿子

又一體

尹鶚

于飛樂

又一體

張先

傳言玉女

晁沖之

曾覲

楊无咎

黃機

趙善扛

石孝友

汪元量

劉基

風入松

又一體

晏幾道

二首

周紫芝

趙師俠

曹冠

陸游

謝懋

高觀國

二首

史達祖

韓澆

李肩吾

趙聞禮

前調

又一

體

王廷相

御選歷代詩餘卷四十七目錄

欽定四庫全書薈要卷二萬七百二十五集部

御選歷代詩餘卷四十七

起七十一字至七十四字

千秋歲

雙調七十一字加引
字者長調也與此別

千秋歲

蘇軾

淺霜侵綠髮少仍新沐冠直縫巾橫幅美人憐我老玉
手簪黃菊秋露重珍珠落袖沾餘馥坐上人如玉花
映花奴肉蜂蝶亂飛相逐明年人縱健此會應難復須

細看晚來月上和銀燭

前調

追和少游

黃庭堅

苑邊花外記得同朝退飛騎軋鳴珂碎齊歌雲繞扇趙
舞風回帶嚴鼓斷杯盤狼藉猶相對 灑落誰能會醉
卧藤陰蓋人已去詞空在兔園高宴罷虎觀英游改重
感慨波濤萬頃珠沈海

前調

虔州作

秦觀

柳邊沙外城郭春寒退花影亂鶯聲碎飄零疎酒盞離

別寬衣帶人不見碧雲暮合空相對
憶昔西池會鵷鷺同飛蓋攜手處今誰在
日邊清夢斷鏡裏朱顏改春去也落紅萬點愁如海

前調

晁補之

葉舟容易行盡江南地南鴈斷無書至
憐伊羈旅處見我飄蓬際如夢寐
當年閨苑曾相對休說深心事但
付狂歌醉那更話孤帆起水精溪繞戶雲母山相砌
君莫去只堪伴我溪山裏

前調

李之儀

深秋庭外殘暑全消退天幕迴雲容碎地偏人罕到風
慘寒微帶初睡起翩翩戲蝶飛成對歎息誰能會猶
記逢傾蓋情暫遣心常在沈沈音信斷冉冉光陰改紅
日晚仙山路隔空雲海

前調

孔平仲

春風湖外紅杏花初退孤館靜愁腸碎淚餘痕在枕別
久香消帶新睡起小園戲蝶飛成對惆悵人誰會隨

處聊傾蓋情暫遣心何在錦書消息斷玉漏花陰改遲
日暮仙山杳杳空雲海

前調

葉審言
生日

周紫芝

當年文燄蜀錦詞華爛年正少聲初遠手攀天上桂書
奏蓬萊殿人盡道洛陽盛事今重見千尺青蒼幹直
節凌霄漢天未識應嗟晚飲殘長壽醞歸奉春皇燕金
葉滿摩麟且受麻姑勸

前調

留春

周紫芝

送春歸去說與愁無數春去後歸何處人應空懊惱春
亦無言語寒日暮騰騰醉夢隨風絮盡日閒庭雨紅
濕秋千柱人恨切鶯聲苦擬傾澆悶酒留取殘紅樹春
去也不成不為愁人住

前調

周紫芝

小春時候晴日吳山秀霜尚淺梅先透波翻醺醖酸霧
滿芙蓉繡持壽酒仙娥特地回雙袖試問春多少恩
入芝蘭厚松不老山長久星占南極遠家是椒房舊君

一笑金鑾看取人歸後

前調

謝逸

棟花飄砌簌簌清香細
梅雨過蘋風起情隨湘水遠
夢遶吳峯翠琴書倦
鷓鴣喚起南牕睡
密意無人寄幽恨憑誰洗
修竹畔疎簾裏歌餘塵拂扇舞罷風掀袂
人散後一鉤淡月天如水

前調

小雨不寐懷
松江舊游

葉夢得

雨聲蕭瑟初到梧桐響
人不寐秋聲爽低簷燈暗淡
畫

幕風來往誰共賞依稀記得船篷上
拍岸浮輕浪水
濶菰蒲長向別浦收橫網綠蓑衝暝色艇子搖雙槳君
莫忘此情猶是當時唱

前調

辛棄疾

塞垣秋草又報平安好尊俎上英雄表金湯生氣象珠
玉霏譚笑春近也春花得似人難老
莫惜金尊倒鳳
詔看看看到留不住江東小從容帷幄裏整頓乾坤了千
百歲從今盡是中書考

前調

黃公度

鬱蔥佳氣天降麒麟
回首處江城外一麾遺愛在萬
口歡聲沸人乍遠危樓目斷天無際
五馬徘徊地春色隨歸旆
壽水綠壺山翠風輕香篆直日暖歌喉脆
椒觴舉人人盡說千秋歲

前調

趙彥端

杏花風下獨立春寒
夜微雨度疎星挂暉暉濃豔出嬋
嬋繁枝亞朱檻倚輕羅醉裏添還卸
寂寞情猶乍悵

望駉鸞駕衣褪玉香欺麝一花拚一醉杯重憑誰把春
去也重簾翠幕人如畫

前調

石孝友

春工領略點破羣花萼對流景傷淪落蹋青心緒嬾病
酒情懷惡無奈處東風故故吹簾幕腕玉寬金約一
去音容邈魚與鴈應難託從前多少事不忍思量著心
撩亂斜陽影在闌干角

前調

趙聞禮

鶯啼晴晝南國春如繡飛絮眼凭欄袖日長花片落睡
起睂山鬪無箇事沈煙一縷騰金獸千里空回首兩
地厭厭瘦春去也歸來否五更樓外月雙燕門前柳人
不見秋千院落清明後

前調

避客
西莊

顧孔昭

浮瓜雪藕正值涼生後江浩蕩山明秀蟬鳴高樹蔭燕
蹴晴波皺書畫舫鼓琴垂釣娛清晝門巷淵明柳老
稚歡相候酒釀熟魚烹就醉憐風入戶嗟愛雲生岫新

月吐嫦娥又為先生壽

卓牌子近

又一體雙調
七十一字

卓牌子近

袁去華

曲沼朱闌綠牆翠竹晴晝金萬縷搖搖風柳還是燕子
歸時花信來後看淡淨洗妝態梅樣瘦春初透盡日
明牕相守閒共我焚香伴伊刺繡睡眠騰今朝早是
病酒那堪更困人時候

粉蝶兒

雙調七
十一字

粉蝶兒

蔣捷

啼鳩聲中春光釀成春夢問東風仗誰持送燕憐晴鶯
愛暖一牕芳蕤奈匆匆催他柳絲狂縱輕羅小扇桐
花又飛么鳳記寒吟沁梅霜凍古今人易老莫閒雙鞦
尚堪游荼蘼粉雲香洞

惜奴嬌

雙調七

十一字

惜奴嬌

晁補之

歌闌瓊筵暗失金貂侶說衷腸丁寧囑付權舉帆開黯
行色秋將暮欲去待却回高城已暮漁火煙村但觸
目傷離緒此情向阿誰分訴那裏思量爭知我思量苦
最苦眠不穩西風夜雨

西施

雙調七

十一字

西施

柳永

柳街燈市好花多盡讓美瑤娥萬嬌的的在層波
取次妝梳自有天然態愛淺畫雙蛾斷腸最是金閨
客空憐愛奈伊何洞房咫尺無計枉朝珂有意憐才每
遇行雲處幸時恁相過

千秋歲

又一體雙調
七十二字

千秋歲

歐陽修

數聲啼鴂又報芳菲歇惜春更把殘紅折雨輕風色暴
梅子青時節永豐柳無人盡日花飛雪莫把么絃撥
怨極絃能說天不老情難絕心似雙絲網中有千千結
夜過也東牕未白殘燈滅

前調

李之儀

深簾靜晝綽約閨房秀鮮衣楚製非文繡凝脂膚理膩
削玉腰圍瘦閒舞袖回身昵語憑肩久
眉壓橫波顰
歌斷青青柳
釵遽擘壺頻叩鬢
栖清鏡
雪淚漲芳尊
酒

難再偶沈沈夢峽雲歸後

前調

李之儀

柔腸寸折解袂留清血藍橋動是經年別掩門春絮亂
敲枕秋蛩咽檀篆滅鴛衾半擁空牀月妝鏡分來缺
塵浣菱花潔嘶騎遠鳴機歇密封書錦字巧綰香囊結
芳信絕東風半落梅梢雪

前調

李之儀

萬紅暄晝占盡人間秀怎生圖畫如何繡宜推蕭史伴

消得東陽瘦垂窄袖花前鎮憶相攜久
淚裏回文皺
好在章臺柳洞戶隔憑誰叩寄聲雖有鴈會面難同酒
無計偶蕭蕭暮雨黃昏後

前調

李之儀

休嗟磨折看取羅巾血殷勤且話經年別庭花翻悵望
簷雨同鳴咽明半滅燈情夜夜多如月
無復傷離缺
共保冰霜潔不斷夢從今歇收回書上絮解盡眉頭結
猶未絕金徽泛處應能雪

前調

呂渭老

寶香盈袖約腕金條瘦裙兒細褶如眉皺笑多簪髻側
語小絲簧奏洞房晚千金未直橫波溜緣短懽難又
人去春如舊枝上月誰攜手宿雲迷遠夢淚枕中殘酒
怎奈向繁陰亂葉梅如豆

前調

千葉
黃梅

葉夢得

曉煙溪畔曾記東風面化工更與重裁剪額黃明豔粉
不共妖紅軟凝露臉多情正是當時見誰向滄波岸

特地移閒館情一縷愁千點煩君搜妙語為我催清燕
須細看紛紛亂蕊空凡豔

前調

張元幹

相門出相和氣濃春釀傳家冠珮雲臺上龐眉扶壽杖
綠髮披仙氅星兩兩泰階已應昇平象玉砌蘭芽長
定向東風賞添綵袖褰羅幌絲簧俱妙手珠翠爭宮樣
江海量年年醉裏翻新唱

粉蝶兒

又一體雙調
七十二字

粉蝶兒

毛滂

雪徧梅花素光都共奇絕到窻前認君時節下重幃香
篆冷蘭膏明滅夢悠揚空繞斷雲殘月 沈郎帶寬同
心放開重結褪羅衣楚腰一搵正春風新著摸花花葉
葉粉蝶兒這回共花同活

前調

賦落梅

辛棄疾

昨日春如十三女兒學繡一枝枝不教花瘦甚無情便

下得雨僊風僊向園林鋪作地衣紅綳而今春似輕
薄蕩子難久記前時送春歸後把春波都釀作一江醇
酒約清愁楊柳岸邊相候

前調

曹冠

繞舍清陰還是暮春天氣徧蒼苔亂紅堆砌問留春不
住春怎知人意最關情雲杪杜鵑聲碎休怨春歸四
時有花堪醉漸紅蓮豔妝依水次芙蓉巖桂與菊英梅
蕊稱開尊日日殢香偎翠

離亭燕

雙調七

十二字

離亭燕

張昇

一帶江山如畫風物向秋瀟灑水浸碧天何處斷霽色
冷光相射蓼嶼荻花洲掩映竹籬茅舍雲際客帆高
挂煙外酒旗低亞多少六朝興廢事盡入漁樵閒話悵
望倚層樓寒日無言西下

前調

憶吳興

晁補之

憶向吳興假守雙溪四垂高柳儀鳳橋邊蘭舟過映水
雕甍華牖燭下小紅妝爭看使君歸後攜手松亭難
又題詩水軒依舊多少綠荷相倚恨背立西風回首悵
望采蓮人煙水萬重吳岫

前調

白下懷
葉實師

胡偕行

歸雁行行啼哢喚破一宵秋夢夢醒封題忙寄與又不
會將書送悵望碧山頭遙囑幾聲珍重踏徧長安何
用滿目煙雲寒凍簷外錚錚風弄咽急戰雨聲還恐多

少客金陵今夜離愁誰共

于飛樂

雙調七

十二字

于飛樂

晏幾道

曉日當簾睡痕猶占香腮輕盈笑倚鸞臺暈殘紅勻宿
翠滿鏡花開嬌蟬鬢畔插一枚淡蕊疎梅每到春深
多愁饒恨妝成嬾下香階意中人從別後縈繫情懷良
辰好景相思字喚不歸來

前調

史達祖

綺翼鷦鷯問誰常借春陂生愁近渚風微紫山深金殿
暖日暮同歸白頭相守情雖定事却難期帶恨飛來
煙埋秦草年年枉夢紅衣舊沙閒香頸冷合是單栖將
終怨魄何年化連理芳枝

月上海棠

又一體雙調
七十字

月上海棠

党懷英

傲霜枝裊團珠蕾冷香霏煙雨晚秋意蕭散繞東籬尚
髣髴見山清氣西風外夢到斜川栗里 斷霞魚尾明
秋水帶三兩飛鴻點煙際疎樹颯秋聲似知人倦游無
味家何處落日西山紫翠

前調

段克己

小樓舞徹雙垂手便倩雁將書寄元九舉首望南山獨
蛾眉數峰明秀人未老且任高歌對酒 莫將此樂輕
孤負喚明月清風做三友纖手折黃花步東籬為伊三

鯢英雄淚醉搵應須翠袖

前調

段克已

時平無用經綸手且閒把文章和歐九天氣湛清秋便
無限山明水秀留客飲但願尊中有酒 鴟夷到處須
親負尋山鳥山花好朋友塵世自薰蕕把瑤英與君同
鯢西風外歸去長拖布袖

風入松

雙調七十二字古樂府有風入松琴調僧
皎然有風入松歌行此則別為詞調也

風入松

吳洪

秋江處處是丹楓掩映芙蓉年年夢繞鱸鄉路今朝纔
見秋容釣雪灘頭撥櫂垂虹亭角拖筇生綃一幅翦
吳松煙景空濛綠簑青笠橫江去數聲長笛臨風好語
眠沙鷗鷺可容添箇漁翁

前調

題畫

陸楫

白雲紅葉楚天秋蘭桂香浮青山萬疊無人到那堪落
日凝眸一曲瑤琴聲徹千竿翠竹初收夕陽衰柳野

溪頭數點輕鷗清夜獨眠金露冷最憐新月如鉤多少
井梧飄謝不禁涼籟悠悠

前調

高 濂

濃煙稠白望中深雪色雲陰梅花剩有西冷約攜尊不
負追尋蕩日永漸萬頃搖風玉瘦千林寒空倚閣費
孤吟坐有知音一鳥不飛天影黑微茫山樹俱沉歌出
陽春白雪情憐遠水遙岑

憶帝京

雙調七
十二字

憶帝京

黃庭堅

鳴鳩乳燕春閒暇化作綠陰槐及壽筭舞紅裳睡鴨飄
香麝醉此洛陽人佐郡深儒雅況座上玉麟金馬更
莫問鶯老花謝萬里相依千金為壽未厭玉燭傳清夜
不醉欲言歸笑煞高陽社

撼庭竹

雙調七十二字
與撼庭秋無涉

撼庭竹

王詵

綽略青梅弄春色真豔態堪惜經年費盡東君力有情
先到探春客無語泣寒香時暗度瑤席月下風前空
悵望思攜手同摘畫欄倚徧無消息佳辰樂事再難得
還是夕陽天空暮雲凝碧

兩同心

又一體雙調
七十二字

兩同心

杜安世

巍巍劒外寒霜覆林枝望宸柳尚色依依暮天靜雁陣
高飛入碧雲際江山秋色遣客心悲 蜀道巖嶮行遲
瞻京都迢遞聽巴峽數聲猿啼惟獨箇未有歸計謾空
悵望每每無言獨對斜暉

小鎮西犯

雙調七

十二字

小鎮西犯

柳永

水鄉初禁火青春未老芳菲滿柳汀煙島波際紅幃縹

緲盡杯盤小歌袂聲聲諧楚調
路繚繞野橋新市裏花穠妓好
引游人競來懽笑酩酊誰家
年少信玉山傾倒家何處落日
眠芳草

惜奴嬌

又一體雙調
七十二字

惜奴嬌

梅

史達祖

香剝酥痕自昨夜春愁醒高情寄冰橋雲嶺試約黃昏
便不誤黃昏信人靜倩嬌娥留連秀影吟鬢簪香已

斷了多情病年年待將春管領
鏤月描雲不枉了閒心性
謾聽誰敢把紅顏比並

隔浦蓮

浦或作渚或加近字或加近拍二字按之無別雙調七十三字
周美成令溧水時作此調後屬和者平仄稍異然無異體也

隔浦蓮

周邦彥

新篁搖動翠條曲徑通深窈
夏果收新脆金丸驚落飛
鳥濃靄迷岸草蛙聲鬧驟雨鳴池沼
水亭小浮萍破
處簾花簷影顛倒綸巾羽扇困臥北牕
清曉屏裏吳山

夢自到驚覺依然身在江表

前調

咏白蓮

曾覲

涼秋湖上過雨作意回商素暗綠翻輕蓋蕭然姑射儔
侶妝臉宜淡泞紅衣妬步襪淩波去異香度天教占
斷風汀月浦煙渚纖塵不到夢繞玉壺清處多少芳心
待怨訴無語飛來一片鷗鷺

前調

楊无咎

牆頭低蔭翠幄格磔鳴鳥鵲好夢驚回處餘醒推枕猶

覺新晴人意樂雲容薄麗日明池閣卷簾幙披衣散
策閒庭吟繞紅藥殘英幾許尚可一供春酌天氣今宵
怕又惡憑托東風且慢吹落

前調

陸游

飛花如趁燕子直度簾櫳裏帳掩香雲暖金籠鸚鵡驚
起凝恨慵梳洗妝臺畔蘸粉纖纖指寶釵墜才醒又
困懨懨中酒滋味牆頭柳暗過盡一年春事罨畫高樓
怕獨倚千里孤舟何處煙水

前調

陸游

騎鯨雲路倒景醉面風吹醒笑把浮丘袂寥然非復塵
境震澤秋萬頃煙霏散水面飛金鏡露光冷湘妃睡
起鬟傾釵墜慵整臨江舞處零落塞鴻清影河漢橫斜
夜漏永人靜吹簫同過緱嶺

前調

七夕

高觀國

銀灣初霽暮雨鵲赴秋期去淺月窺清夜涼生一天風
露纖巧雲暗度河橋路縹緲乘鸞女正容與西廂舊

約玉嬌誰見私語柔情不盡好似冰綃雲縷回首天涯
又怨阻無語西風魂斷機杼

前調

史達祖

紅塵飛不到處此地知無暑亂竹分幽徑虛堂中自回
互陰壑生暗霧飛泉注氣入閒尊俎快風度齊宮楚
榭如今空鎖煙樹何人伴我夢賦雪車冰柱惟有蟬聲
助冷語驚寤飛雲來獻涼雨

前調

荷花

史達祖

洛神一醉未醒俯鑒窺紅影萬綠森相衛西風靜不放
冷侵曉鷗夢穩非塵境擢月香千頃錦機靚 亭亭不
語多應嗔賦玉井西湖遊子慣識雨愁煙恨只恐吳娃
暗折贈耿耿柔絲容易縈損

前調

次周美成韻

方千里

垂楊煙濕嫩葆別嶼環清窈紺影浮新漲夷猶終日魚
鳥花安庭下草鳴蟬鬧暗綠藏臺沼野軒小 敲眠斷
夢閒書風葉顛倒詩懷酒思悔費十年昏曉投老紅塵

倦再到愁覺悠然心寄天表

前調

泊長橋
過重午

吳文英

榴花依舊照眼愁褪紅絲腕夢繞煙江路汀菰綠薰風
晚年少驚送遠吳蠶老恨緒縈抽繭旅情嬾扁舟繫
處青帘濁酒須換一番重午旋買香蒲浮酸新月湖光
蕩素練人散紅衣香在兩岸

前調

次周美
成韻

陳允平

鉛霜初褪鳳葆碧旂侵雲窈窕萬綠傷春遠林幽樂多禽

鳥斜陽堤畔草游魚鬧暗水流萍沼翠鈿小涼亭醉
倚接羅巾任敲到月明庭樹夜半鵲飛驚曉隔岸蘋鄉
夢漸到吹覺一襟風露塵表

前調

趙間禮

愁紅飛眩醉眼日淡芭蕉捲帳掩屏香潤楊花撲春雲
暖啼鳥驚夢遠芳心亂照影收匳晚畫眉嬾微醒帶
困離情中酒相半裙腰粉瘦怕按六么歌板簾捲層樓
探舊燕腸斷花枝和悶重撚

前調

劉基

珠簾不捲晝雨弱柳絲千縷事與孤鴻去空相憶同誰
語雲水迷翠羽人何許玉珮沉湘浦悄凝竚春風到
處白蘋香滿洲渚淚篁自老目盡野田平楚未用天涯
悵間阻回顧斜陽猶在高樹

荔支香近

雙調七
十三字

荔支香近

周邦彥

夜來寒侵酒席露微泣鳥履初會香澤方熏無端暗雨
催人但怪燈偏簾卷回顧始覺驚鴻去遠大都世間
最苦惟聚散到得春殘看即是開離宴細思別後柳眼
花鬚更誰翦此懷何處消遣

前調

楊澤民

臉霞香消粉薄淚偷泣靨靨金獸沉水微熏入簾綠樹
春陰糝徑紅英風卷芳草怨碧玉孫漸遠錦屏夢回
恍覺雲雨散玉瑟慵調更嬾醉瓊花宴寶釵翠滑一縷

青絲為君翦別情誰更排遣

前調

方千里

小園花梢雨歇淚羞泣碧瓦光霽羅幙香浮鶯啼燕語
交加是處簾櫳高卷風外認得笙歌近遠 醉魂半縈
夜酒吹未散暗憶年時正日赴西池宴笑攜豔質郢曲
新聲妙如翦有愁容易排遣

前調

陳允平

未論離亭話別涕先泣旋滌瑤觥深挹芳醪凝愁滿眼

歌殘儂人大白須卷三勸記得當時送遠素蟾屢明
晦彩雲易散後約難知又却似陽關宴烏絲寫恨
分香為郎翦願即安信頻遣

風入松

又一體雙調
七十三字

風入松

康與之

一宵風雨送春歸綠暗紅稀畫樓鎮日無人到與誰同
撚花枝門外薔薇開也枝頭梅子酸時玉人應是數

歸期翠斂愁眉塞鴻不到雙魚遠
歎樓前流水難西新恨欲題紅葉東風滿院花飛

前調

次順
菴韻

吳子孝

日斜池上客忘歸鶯語都稀殷勤把酒休辭醉殘紅猶
戀花枝新水雨過添後綠陰春去濃時美人邂逅本
無期山淺如睂年光恰似東流水苦留連欲挽難西在
藻共知魚樂歸林閒數鴉飛

前調

題畫

張璠

萬山深鎖白雲中，煙霧迷空蒼蒼古樹連。
青岱楓林時見殘，紅茅屋數椽。瀟灑江流幾派清，融石橋斜渡小。
溪東一徑遙通，科頭不整冠，和履對松蘿，倚杖吟風何處。
負囊人至，疑童疑友，疑翁。

前調

明媛

沈宜修

柳絲籠碧，碧雲低淑景遲遲。問春幾許，枝頭也野花處。
處芳菲夢繞池塘，春草愁聽枝上黃鸝。小庭疎雨又。
薔薇瘦損，紅衣欲憑，遠信青鸞杳望天邊。江樹依依，往

事不堪重憶雲山極目魂迷

郭郎兒

或加近拍二字
雙調七十三字

郭郎兒

柳永

下里閒居小曲深坊庭院沉沉朱戶閉新霽畏景天氣
薰風簾幙無人永晝厭厭如度歲愁瘁枕簟微涼睡
久輾轉慵起硯席塵生新詩小閨等閒都盡廢這些兒
寂寞情懷何事新來常恁地

師師令

師師角妓名也張先贈詞即名師師令雙調七十三字

師師令

張先

香鈿寶珥拂菱花如水學妝皆道稱時宜
粉色有天然春意蜀錦衣長勝未起縱亂霞垂地
都城池苑誇桃李問東風何似不須回扇障清歌
昏一點小於朱蕊正值殘英和月墜寄此情千里

隔簾聽

雙調七
十三字

隔簾聽

柳永

咫尺鳳衾鴛帳欲去無因到
鰕鬚窄地重門悄認繡履
頻移洞房杳杳彊語笑逞如
簧再三輕巧梳妝早琵琶閒
抱愛品相思調聲聲似把芳
心告隔簾贏得斷腸多少
恁煩惱除非共伊知道

河滿子

又一體雙調
七十三字

河滿子

尹鶚

雲雨常陪勝會笙歌慣逐閒遊錦里風光應占玉鞭金
勒驂騑戴月潛穿深曲和香醉脫輕裘方喜正同鴛
帳又言將往皇州每憶良宵公子伴夢魂常挂紅樓欲
表傷離情味丁香結在心頭

于飛樂

又一體雙調
七十三字

于飛樂

張先

寶匳開菱鑑淨一掬青蟾新妝臉旋學花添蜀紅衫雙
繡蝶裙縷鶻鶻尋思前事小屏風仍畫江南怎空教
草解宜男柔桑暗又過春蠶正陰晴天氣更暝色相兼
幽期消息曲房西碎月篩簾

傳言玉女

雙調七
十四字

傳言玉女

上元

晁沖之

一夜東風吹散柳梢殘雪御樓煙煖對鰲山綵結蕭鼓

向晚鳳輦初回宮闕千門燈火九衢風月 繡閣人人
乍嬉游困又歇豔妝初試把珠簾半揭嬌波溜人手撚
玉梅低說相逢長是上元時節

前調

曾覲

鳳闕龍樓清夜月華初照萬點星球護花梢寒峭華胥
夢裏老去歡情終少花愁醉悶總消除了 紫陌嬉遊
不似少年懷抱珠簾十里聽笙簫聲杳幽期密約暗想
淺顰輕笑良時莫負玉山頻倒

前調

楊无咎

料峭寒生知是那番花信算來都為惜花人做恨者猶
未足早覺枝頭吹盡曲闌幽榭亂紅成陣 醺酒花前
試停杯與為問褪香銷粉問東風怎忍韶華過半贏得
幾場春困厭厭空似為花愁損

前調

次岳總
幹韻

黃機

日薄風柔池面欲平還皺紋楸玉子磔磔敲春書衾繡
半捲花氣濃熏香獸小團初試轆轤銀甃 夢斷陽臺

甚情懷似病酒鳳陰羞對比年時更瘦雙燕乍歸寄與
綠牋紅豆那堪又是牡丹時候

前調

上元

趙善扛

璧月珠星輝映小桃穠李化工容易與人間富貴東風
巷陌春在煖紅溫翠人來人去笑歌聲裏油壁青驄
第一番共燕喜舉頭天上有月如人意歌傳樂府猶是
昇平風味明朝須拚醉眠花底

前調

石孝友

雪壓梅梢金裊柳絲輕展錦官春早乍風和日煖華茵
翠輅九陌綺羅香滿連空燈火滿城簫管月射西樓
更交光照夜宴萬人擁路指鼇山共看花旗翠帽到處
朱簾高卷歸時常是漏殘銀箭

前調

錢塘
元夕

汪元量

一片風流今夕與誰同樂月臺花館慨塵埃漠漠豪華
蕩盡只有青山如洛錢唐依舊潮生潮落萬點燈光
羞照舞鈿歌箔玉梅消瘦恨東皇命薄昭君淚流手撚

琵琶絃索離愁聊寄畫樓哀角

前調

蝶

劉基

為問韓憑何事化為蝴蝶妬風羞雨一身輕似葉園林
晝永麗日晴煙相接舞回柳眼拍翻花頰 殢粉迷香
困酣猶自未愜鉏雲深處更愁濃露浥何況素秋枝上
曉霜披鬣祇應無奈翠消紅歇

風入松

又一體雙調
七十四字

風入松

晏幾道

柳陰庭院杏梢牆，依舊巫陽。鳳簫已遠，青樓在水，沉難
復暖。前香臨鏡，舞鸞離照，倚箏飛雁，辭行墜鞭人意。
自淒涼、淚眼回腸，斷雲殘雨，當年事到如今，幾處難忘。
兩袖曉風花陌，一簾夜月蘭堂。

前調

晏幾道

心心念念憶相逢，別恨誰濃。就中懊惱難拚，處是擘釵
分鈿。匆匆却似桃源路，失落花空，記前蹤。彩牋書盡

浣溪紅深意難通強歡殢酒圖消遣到醒來愁悶還重
若是初心未改多應此意須同

前調

周紫芝

禁煙過後落花天無奈輕寒東風不管春歸去共殘紅
飛上秋千看盡天涯芳草春愁堆在闌干楚江橫斷
夕陽邊無限青煙舊時雲去今何處山無數柳漲平川
與問風前回雁甚時吹過江南

前調

舟泛
瀟湘

趙師俠

溪山佳處是湘中，今古言同平林遠岫渾如畫。更漁村
返照斜紅兩岸秋，風策策一江秋水溶溶。蒼崖石壁
景尤雄，人自西東。利名汨沒黃塵裏，又那知清勝無窮。
何日輕舸蓑笠持竿獨釣西風。

前調

曹冠

瑤煙斂散媚晴空，雲淡奇峯澄江金斗平。波面扁舟載
蓑笠，漁翁髣髴輞川圖。上依稀苔雪溪中春，鉏掠水
浪花重飛。傍蘆叢綺霞斜映，征鴻影供吟毫。佳景無窮

頓起騎鯨游興冷然獨御清風

前調

陸游

十年裘馬錦江濱酒隱紅塵萬金選勝鶯花海倚疎狂
驅使青春吹笛魚龍盡出題詩風月俱新 自憐華髮
滿紗巾猶是官身鳳棲常記當年語問浮名何似身親
欲寄吳牋說與這回真箇閒人

前調

謝懋

老來常憶少年狂宿粉棲香自憐獨得東君意有三年

窺宋東牆笑舞落花紅影醉眠芳草斜陽事隨春夢
去悠揚休教思量近來眼底無姚魏有誰更管領年芳
換得河陽衰鬢一簾煙雨梅黃

前調

高觀國

卷簾日日恨春陰寒食新晴馬蹄只向南山去長橋愛
花柳多情紅外風嬌日暖翠邊水秀山明杜郎歌酒
過平生到處蓬瀛醉魂不入重城晚穠歡寄桃葉桃根
繡被嫩寒清曉鶯聲喚醒春酲

前調

聞鄰女吹笛

高觀國

粉嬌曾隔翠簾看橫玉聲寒夜深不管柔荑冷櫻朱度
香噴雲鬟霜月搖搖吹落梅花簌簌驚殘 蕭郎且放
鳳簫閒何處驂鸞靜聽三弄霓裳罷魂飛斷愁裏關山
三十六宮天近念奴却在人間

前調

茉莉花

史達祖

素馨跗萼太寒生多翦春冰夜深綠霧侵涼月照晶晶
花葉分明人臥碧紗幮淨香吹雪練衣輕 頻伽銜得

墮南薰不受纖塵若隨荔子華清去定空埋身外芳名
借重玉爐沉炷起子石鼎湯聲

前調

韓 澆

小樓春映遠山橫綠徧高城望中一片斜陽靜更萋萋
芳草還生霏雨冷煙寒食落花飛絮清明 數聲絃管
忍重聽猶帶微醒問春何事春將老春不語春恨難平
莫把風流時節都歸閒淡心情

前調 冬至

李肩吾

霜風連夜做冬晴
曉日千門香葭暖
透黃鐘管正玉臺
彩筆書雲竹外南
枝意早數花開
對清尊香閨女伴
笑輕盈倦繡停鍼
花甌一線添紅影
省從今迤邐新春
寒食相逢何處百
單五箇黃昏

前調

趙聞禮

麴塵風雨亂春晴
花重寒輕珠簾卷
上還重下怕東風
吹散歌聲棋倦杯
傾晝永粉香花豔
清明十分無處
著閒情來覓娉婷
薔薇誤買尋春袖
倩柔荑為補香痕

苦恨啼鵲驚夢何時翦燭重盟

前調


又一體

王廷相

秋風瑟瑟送年華搖落總堪嗟登高不盡茱萸盞分明
孤負黃花你恨山長水濶不妨夢裏還家 江湖日日
老蒹葭雁滿平沙浮雲遮斷來時路路迷離難問仙槎
空採蘅香滿袖憑誰寄向天涯



御選歷代詩餘卷四十七



總校官庶吉士

臣

張能照

校對官庶吉士

臣

陳墉

膳錄監生

臣

于飛鳳